

Broj: 01-02-3-703/17

Sarajevo, 31.05.2017. godine

Z A P I S N I K

19. VANRDNE SJEDNICE PREDSTAVNIČKOG DOMA PARLAMENTA FEDERACIJE BIH, održane 11.04. i 17.05. 2017. godine

Sjednica je počela u 14.59.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Elma Đogić, Mirela Halilović, Almir Zulić i Faruk Ćupina.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Predsjedavajući je kazao da je sjednica sazvana za zahtjev grupe zastupnika, a na osnovu člana 98. Poslovnika Predstavničkog doma Parlamenta Federacije BiH.

Sa 52 glasa za, bez glasova protiv i uz tri uzdržana glas, usvojen je sljedeći:

D N E V N I R E D

1. Zastoj u izgradnji autoceste na Koridoru Vc i stanje u JP Autoceste Federacije BiH.

1. Zastoj u izgradnji autoceste na Koridoru Vc i stanje u JP Autoceste Federacije BiH

Informaciju je dostavilo Federalno ministarstvo prometa i komunikacija .

Uime Grupe zastupnika koji su predložili održavanje ove sjednice Enver Bijedić dao je dodatno obrazloženje.

Uime Vlade Federacije BiH dodatno obrazloženje dao je ministar Denis Lasić.

Izvršni direktor u JP Autoceste Federacije BiH Jasmin Bučo obratio se zastupnicima.

Također, zastupnicima se obratio i generalni direktor Autocesta Adnan Terzić.

Prije otvaranja rasprave, predsjedavajući je predložio da se oformi Radna grupa u kojoj će biti rukovodstvo Doma, v.d. sekretara Doma kao i predsjednik Odbora za promet i komunikacije Predstavničkog doma Parlamenta Federacije BiH.

Otvorena je rasprava u kojoj su učestvovali: Enver Bijedić, Jusuf Bubica, Marin Barbarić, Dževad Adžem, Mirsad Topčagić, Munib Jusufović, Ismet Osmanović, Elvir Karajbić, Safet Kešo, Damir Mašić, Dženan Đonlagić, Slavica Josipović, Nermin Nikšić, direktor Adnan Terzić, Jozo Bagarić, Dževad Agić, Mahir Mešalić i Mensur Borović.

Nakon rasprave, predsjedavajući je kazao da će Radna grupa raditi na izradi zaključaka, te da će se usvajati na narednom zasjedanju.

Predsjedavajući je prekinuo rad sjednice u 18.14.

* * *

NASTAVAK 19. VANREDNE SJEDNICE PREDSTAVNIČKOG DOMA PARLAMENTA FEDERACIJE BIH, održane 17.05.2017. godine

Sjednica je počela u 12.24.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Radna grupa izradila je prijedlog zaključaka, te je predsjedavajući pozvao zastupnike da se o njima izjasne.

Sa 51 glasom za, tri glasa protiv i uz 10 uzdržanih glasova, usvojeni su sljedeći:

Z A K L J U Č C I

1. Atocesta na koridoru Vc je dio Trans-europske mreže kopnenih koridora čijom izgradnjom će se BiH povezati sa susjednim zemljama što će doprinjeti bržem razvoju BiH, tako da isti nadilazi sve stranačke i bilo koje druge interese,

2. Imajući u vidu sve što je izneseno na vanrednoj sjednici, vidljivo je da su subjektivne i objektivne okolnosti dovele do kašnjenja u realizaciji izgradnje autoceste na pojedinim dionicama (izbori i imenovanje menadžmenta, usvajanje određenih zakona: Zakon o eksproprijaciji i Zakon o akcizama).

3. Predstavnički dom Parlamenta Federacije BiH zadužuje Vladu Federacije BiH da u roku od 90 dana dostavi Parlamentu Federacije BiH četverogodišnji Akcioni plan koji će uključiti sve moguće modele i jasno precizirane dionice, sa precizno nevedenim rokovima izgradnje Autoceste na koridoru V c.

4. Zadužuje se Vlada Federacije BiH da o navedenim aktivnostima i njihovoj realizaciji svakih šest mjeseci dostavi izvještaj Parlamentu Federacije BiH.

5. Predstavnički dom Parlamenta Federacije BiH traži od svih nadležnih institucija koje se nalaze u lancu odlučivanja o ratifikaciji svih sporazuma o zajmu, a koji su namjenski vezani za izgradnju koridora Vc, da isti budu u nultom prioritetu.

6. Predstavnički dom Parlamenta Federacije BiH zadužuje Vladu Federacije BiH da razmotri pokretanje tenderske procedure za dionicu Mostar sjever - Mostar jug te tunela kroz Prenj po novom modelu kreditiranja od strane banaka, u dogovoru sa izvođačem na određenoj dionici.

7. Predstavnički dom Parlamenta Federacije BiH daje punu podršku aktivnostima koje se provode u vezi sa izgradnjom brzih cesta kao i izgradnji brze ceste Sarajevo - Beograd, Zadužuju se radna tijela Predstavničkog doma: - Komisija za lokalnu samoupravu, - Odbor za promet i komunikacije, - Odbor za prostorno uređenje, stambeno-komunalnu politiku, ekologiju i turizam da u roku od 30 dana zajednički predlože Predstavničkom domu trasu brze ceste Sarajevo - Beograd na izjašnjavanje.

Potpredsjedavajući Bošković zaključio je rad 19. vanredne sjednice Predstavničkog doma Parlamenta Federacije BiH u 12.27.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić

